

ՀՀ ՓԱՍՏԱԲԱՆՆԵՐԻ ՊԱԼԱՏԻ ԵՎ ԽՈՐՀՐԴԻ ՆԱԽԱՁԵՆԱԾ ԾՐԱԳԻՐԸ ՄԵԿՆԱՐԿԵՑ ԳՅՈՒՄՐԻՈՒՄ

17.06.2017 07:50



Հունիսի 16-ին ՀՀ փաստաբանների պալատի աշխատակազմի և Խորհրդի անդամների նախաձեռնությամբ Գյումրիում իրականացել է մարզերում իրավաբանական անվճար օգնություն տրամադրելու ծրագրի առաջին հանդիպումը:

Անդրադառնալով մարզակենտրոն Pro Bono խորհրդատվություն տրամադրելու Պալատի նախաձեռնությանը՝ ՀՀ փաստաբանների պալատի նախագահ Արա Զոհրաբյանը հիշեցրել է, որ յուրաքանչյուր հինգշաբթի Փաստաբանների պալատում քաղաքացիների համար բաց դռների օր է նշանակված, ինչը գործում է անխափան՝ հնարավորություն տալով բոլորին խորհրդատվության համար դիմել մասնագետներին: Նա տեղեկացրել է, որ անվճար խորհրդատվություններ պարբերաբար կազմակերպվում են նաև մարզերում՝ միաժամանակ ընդգծելով նման ծրագրերի ակտիվացման միտումը: Նրա խոսքով՝ նման նախաձեռնության հիմնական նպատակն է բարձրացնել քաղաքացիների իրավագիտակցությունը, օգտակար լինել այն քաղաքացիներին, ովքեր փաստաբանին դիմելու համար չունեն բավարար միջոցներ: Արա Զոհրաբյանը հանդիպման եկած մարդկանց տեղեկացրել է, որ այսուհետ Գյումրիի փաստաբանները շաբաթական մեկ օր քաղաքացիներին տրամադրելու են անվճար իրավաբանական խորհրդատվություն:

Խորհրդատվությանը դիմած քաղաքացիների հիմնական խնդիրները վերաբերել են վարկային, բնակարանային, հողային և աշխատանքային իրավահարաբերություններին:

Պալատի և Խորհրդի անդամներն այցի շրջանակներում հանդիպել են նաև Շիրակի մարզի Հանրային պաշտպանի գրասենյակի գործընկերներին, մարզի փաստաբաններին: Վերապատրաստման դասընթացի շրջանակներում, գործընկերների հետ քննարկվել են մի շարք մասնագիտական խնդիրներ, գրույց է ծավալվել մասնագիտական վարքագծի դրույթների, մասնավորապես՝ փաստաբան-փաստաբան, փաստաբան- հաճախորդ և փաստաբան- դատարան փոխհարաբերություններին առնչվող խնդիրների շուրջ:











Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })